



UNIVERSITÄTS-
BIBLIOTHEK
PADERBORN

Universitätsbibliothek Paderborn

**R. P. D. Antonini Diana Panormitani, Cler. Reg. & S. Officij
in Regno Sicil. Consultoris, Practicæ Resolutiones
Lectissimorum Casuum**

Diana, Antonino

Antverpiæ, 1645

Caritas.

urn:nbn:de:hbz:466:1-41753

Imò qui sciens aliquem conspirasse cōtra Cardinalem, non denuntiat, incidit in excomm. latam à Pio V. quamvis per correptionem fraternam emendatio speraretur. Bonacin. & Alterius. Ipsi tamen se percutientes non incurrunt Censuram Bullæ Cœnæ. Bonacin. *ibid.* ref. 81. 82. 88. 92. 87. 89. 84.

Caritas.

1 **P**Ræceptum dilectionis Dei obligat ut non diu differatur post adeptum usum rationis. 2. in fine vitæ. 3. aliquoties in vitâ, ita ut saltem non differatur ultra tres, vel quatuor annos. Suar. & alij 2. Quamvis alij velint solum obligare in articulo mortis. Vasq. & Sancius *p. 5. tr. 14. ref. 105.*

2 Ut quis teneatur alienæ salutis cum vitæ suæ periculo opem ferre, debet salus alteri esse physicè impossibilis nisi ego succurram. Aliud tamen est in iis qui ex officio obligantur, ut Pastores. Hurtad. *ibid. tr. 13. ref. 24.*

3 Non teneris cum discrimine vitæ propriæ adire, & absolvere illum, qui in articulo mortis putat se non habere contritionem, & idè petit Confessarium, nisi fortè talis esset ita rudis, ut
vel

vel nesciret contritionem esse necessariam, vel modum illam excitandi. Nauarr. & Coninc. quamuis contrarium doceant Suar. & alij 3. Neque cum simili periculo docere, qui ab hæretico concionatore seducuntur, ita vt vincibiliter veritatem ignorent: vel qui cū eâdem ignorantia contractum iniustum celebrant: vel cū quis filiã vult prostituere, etsi filia illa videatur spiritaliter peritura. Coninc & Lorca. contra Valent. Neque si infans aliàs sine baptismo sit moriturus, vt docet Sotus & Sà. Sed in hoc contrarium affirmant Suarez & alij 7. p. 3. tr. 5. res. 50 & 51. 4. Qui est in peccato mortali, non tenetur pro alienã salute vitam suam periculo exponere, nisi periculum esset mortis inferendæ in odium fidei, vel pietatis; quia enim tunc esset martyrium, sola attritio sufficeret: aliàs contritio semper potest esse dubia. Hurtado. p. 5. tr. 13. res. 23.

Carthusianus.

Carthusianum extra morbum, seculo etiam scandalo, non posse comedere carnes sine peccato mortali, communiùs docent Vasqu. Salas. Nauarr.